

ÄLEI DIHEI

SCHTÄRNEFÖIFI

Str: ^{Bm} Ich sött is Bett und zwar scho glii (älei dihei, älei dihei)
^{Bm} Ich glaub, es isch scho halbi zwölfi gsi
^{Bm} S'isch ussert mir käs Bei dihei
^{Bm} Ich ha d'Wonig ganz für mich älei
^{Bm} Am Färnseh laufed leider nur no grauehafti Sache ^{Esm}
^{Bm} Wo'n ich möcht vergässe ha wänn ich morn verwache ^{F7} ^{Bm}

Str: Ich gang is Bett, s'wird langsam schpaat (älei dihei, älei dihei)
 Morn isch schliesslich au wider en Tag
 Was isch das gsi? Ich han en Schatte gschpürt
 und i de Chuchi hani öppis flüschttere ghört
 Ich will nöd zum Bett us und es laht mer gliich kä Rue
 Hani d'Tür abgeschlosse und isch s'Feischer würkli zue?

Ref: ^{Esm} ^{Bm} ^{F7} ^{Bm}
Es isch tüüf i de Nacht, ich lig im Bett und bi no wach
^{Esm} ^{Bm} ^{C7} ^{F7}
Wänn's ganz schtill isch ghört me d'Rägetröpfe ufem Dach
^{Esm} ^{Bm} ^{F7} ^{Bm}
E Flädermuus im Schtägehuus und suscht no allerlei
^{F7} ^{Ges7} ^{Bm}
Aber nei....., ich ha kei Angscht älei dihei (älei dihei, älei dihei)

Str: Ich ghör öppis ruusche irgendwo
 Jetzt nümme ... jetzt isch' s nöcher cho!
 Mich tunkt's es schmöckt e chli nach Fүү
 Was wär, wänn's im Chäller bränne wūr?
 Me ghört es Auto vor em Huus, wo chunnt ächt das her?
 Und funktioniert ächt s'Telifon wänn en Notfall wär?

Ref: *Es isch tüüf i de Nacht, ich lig im Bett und bi no wach*
Wänn's ganz schtill isch ghört me d'Rägetröpfe ufem Dach
E Schabe i de Schtube und suscht no allerlei
Aber nei, ich ha kei Angscht älei dihei

Bm Esm
Und wänn's mer glich mal z'dunkel wird und z'gfürchig i de Nacht
Bm F7 Bm
Dänn schtelli mer e Zwillingschwöschter vor wo mich bewacht
Bm
und scho sind zwei dihei (zwei dihei, zwei dihei)

Str. Mir bliibed eifach no ganz lang wach
Mir verzelled Witz und mir schpiled Schach
Und Und Lügepoker und Nüünischtei
Mir händ doch kei Angscht älei dihei
Aber öppis laht mer eifach glich kä Rue
Hämmer d'Tür abgeschosse und isch s'Feischer würkli zue?

Ref: *Es isch tüüf i de Nacht, ich lig im Bett und bi no wach
Wänn's ganz schtill isch ghört me d'Rägetröpfe ufem Dach
Jetz schliicht en Dieb i d'Wonig ie oder sogar zwei
Aber nei, ändlich ändlich chömmeds hei
es chömmed beidi hei, de Bapi und s'Mami
beidi hei, sind am zwei dihei*